



Buku Cerita Kanak-kanak

KURA-KURA BERSAHABAT DENGAN MONYET



Di tebing sebatang sungai, tinggal seekor kura-kura. Tidak berapa jauh dari tebing sungai itu pula tinggal seekor monyet di atas sebatang pokok yang rendah dan tinggi.



Mereka berdua bersahabat baik. Walaupun, monyet itu mempunyai sikap tamak dan mementing diri sendiri, namun kura-kura tidak pernah **ambil hati** dengan sikap monyet dan sentiasa ber**baik sangka** dengan sahaba tnya itu.




Pada
suatu
hari,
kura-kura
datang
menemui
monyet.
Kura-kura

membawa sebatang

pokok pisang.

Monyet merasa amat **geli hati** melihat kura-kura bersusah payah menggigit daun pisang sambil mengheret pokok pisang itu ke atas tebing.

"Dari manakah kau ambil pokok pisang ini?" tanya monyet dengan penuh kehairanan.



"Aku jumpa pokok pisang ini hanyut di dalam sungai," jawab kura-kura .

"Mengapa kau bawa pokok pisang ini ke mari?" soal monyet lagi

kerana ingin tahu .

"Kita boleh menanamnya," kata kura-kura

"Besok-besok, kalau pokok pisang ini berbuah, kita boleh bersama-sama makan." Jawab kura-kura sambil tersenyum simpul kepada sahabatnya.

Tetapi monyet tidak bersetuju dengan cadangan itu.

"Mengapakah pula engkau tidak bersetuju dengan cadanganku?" kura-kura berasa hairan.

"Pokok pisang ini kita kerat supaya dapat dibahagi dua," jelas monyet.



"Mengapa pula begitu?" kura-kura berasa hairan.

"Aku mahu menanamnya sendiri," jawab monyet.

Termenunglah kura-kura setelah mendengar kata-kata monyet itu. Kura-kura tahu bahawa monyet bersikap tamak. Terluka hati kura-kura dengan jawapan daripada monyet. Namun, kura-kura terpaksa menurut sahaja akan kemahuan monyet demi menjaga hati sahabatnya itu.

"Baiklah, kalau begitu!" kura-kura mengalah.

Monyet berasa sangat gembira kerana

kura-kura bersetuju dengan kemahuannya. "Pilihlah

mana-
mana



bahagian yang engkau mahu!" kata kura-kura.

Tanpa membuang masa lagi, monyet lalu memilih bahagian atas, iaitu daripada pertengahan batang hingga ke bahagian daun. Kura-kura pula mengambil bahagian bawah, iaitu daripada pertengahan batang hingga ke bahagian akar. Pokok pisang itu lalu dikerat untuk dibahagi dua.



Monyet mengambil bahagiannya dan terus berlalu dari situ. Monyet menanam pokok pisang itu berhampiran dengan pokok tempat tinggalnya. Kura-kura pula menanam pokok pisangnya di seberang sungai.

"Apabila pokok pisang itu sudah berbuah, kita makan pisang masing-masing. Itulah perjanjian kita!" monyet memberi **kata putus** kura-kura.

"Baiklah, begitu!" kura-kura bersetuju.

Monyet **suka hati** apabila mendengar persetujuan daripada kura-kura itu.



kalau kura

sangat

"Sungguh tiada kusangka! Tamak sungguh rupa-rupanya Sang Monyet ini," fikir kura-kura dalam hatinya.

Setiap hari, monyet asyik menunggu pokok

pisangnya. Monyet sangat gembira kerana mendapat bahagian batang yang berdaun.

Apabila bertemu kura-kura, monyet selalu bertanya, "Sudah berbuah lebatkah pokok pisangmu itu?"*


"Belum!" jawab kura-kura.

"Pokok pisangmu itu usahkan hendak mengeluarkan buah, mengeluarkan daun pun tidak!" monyet mengejek kura-kura . Tetapi kura-kura berdiam diri sahaja kerana tidak mahu **bertikam lidah** dengan sahabatnya..



Tidak sampai seminggu, matilah pokok pisang yang ditanam oleh monyet itu. Pokok pisang itu tidak dapat hidup kerana tidak mempunyai akar.

Monyet berasa tersangat malu . Monyet



menyesali akan kebodohnya itu.

Pokok pisang yang ditanam oleh kura-kura pula, akhirnya mengeluarkan daun. Semakin hari, pokok pisang itu semakin subur. Pokok pisang itu dapat tumbuh kerana mempunyai akar.

Kura-kura sangat gembira. Lama-kelamaan, berbuahlah pokok pisang kepunyaan kura-kura. Akhirnya, pisang itu masak. Kura-kura dapat

makan pisang itu dengan sepuas-puasnya.



Monyet tersangat malu.

Akhirnya, monyet **angkat kaki** berpindah dari situ.

NILAI MURNI



Sesungguhnya,
balasan terhadap
Sikap buruk
lambat-laun
merugikan diri sendiri. Sikap sabar pula akan
membawa kepada kejayaan.



demikianlah
sikap tamak.
seperti itu
tentulah akan



Simpulan Bahasa

ambil hati	=	Membuat sesuatu supaya disukai oleh orang/tersinggung atas perbuatan seseorang
baik sangka	=	Mempunyai tanggapan yang baik terhadap seseorang
geli Hati	=	Rasa lucu hendak tertawa
senyum simpul	=	Senyum sedikit.
luka hati	=	Pilu/sedih
jaga hati	=	Menjaga perasaan
kata putus	=	Keputusan muktamad
Suka hati	=	Gembira
Bertikam lidah	=	Bertengkar atau berdebat
Angkat kaki	=	Lari meninggalkan sesuatu tempat